



詩紀卷之一百二

陳五

張正見

字見贖清河東武城人幼好學有清才梁太

清初射策高第除邵陵王國常侍梁元帝立

拜通直散騎侍郎遷彭澤令屬亂避地匡俗山陳

武受禪除鄱陽王叅軍衡陽王長史累遷散騎侍

郎太建中卒

樂府

釣竿篇

以下

結宇長江側垂釣廣川潄竹竿橫翡翠桂髓擲黃金人
來水鳥沒檝度岸花沉蓮搖見魚近綸畫覺潭深渭水

終須卜滄浪徒自吟空嗟芳餌下獨見有貪心

度關山

關山度曉月劔客遠從征雲中出迥陣天外落竒兵輪
摧偃去節樹倒礙懸旌沙揚折坂暗雲積榆溪明馬倦
時銜草人疲屢看城寒隴胡笳澁空林漢鼓鳴還聽鳴
咽水併切斷腸聲

晨鷄高樹鳴

阮藉詠懷詩曰晨鷄鳴高樹命
駕起旋歸然則此非樂府也

晨鷄振翮鳴出迥擅竒聲蜀郡隨金馬天津應玉衡摧

冠驗遠石繫火出連營

用江
事

爭棲斜揭暮解翼橫飛度

試飲淮南藥翻上仙都樹枝低且候潮葉淺還承露承
露觸嚴霜葉淺伺朝陽猜群怯寶劔勇戰出花場當損
黃金距誰論白玉璫長鳴逢晉帝恃氣遇周王流名說
魯國分影入陳倉不復愁苻朗猶能感孟嘗

採桑

春樓曙鳥驚蠶妾候初晴迎風金珥落向日玉釵明徙
顧移籠影攀鈎動釧聲葉高知手弱枝軟覺身輕人多
羞借問年少怯逢迎恐疑夫婿遠聊復答專城

豔歌行

城隅上朝日斜暉照杏梁併捲茱萸帳爭移翡翠牀
縈環聊向牖拂鏡且調妝裁金作小靨散麝起微黃二八
秦樓婦三十侍中郎執戟超丹地豐貂入建章未安文
史閣獨結少年場彎弧貫葉一作月影學劒動星芒翠蓋
飛城曲金鞍橫道傍調鷹向新市彈雀往睢陽行行稍
有極暮暮歸蘭房前瞻富羅綺左顧足鴛鴦蓮舒千葉
氣燈吐百枝光滿酌胡姬酒多燒荀令香不學幽閨妾
生離怨採桑

從軍行

胡兵屯薊北漢將起山西故人輕百戰聊欲定三齊風
前噴畫角雲上舞飛梯鴈塞秋聲遠龍沙雲路迷燕然
自可勒函谷詎須泥

三婦艷詩

大婦織殘絲中婦妬蛾眉小婦獨無事歌罷詠新詩上
客何須起爲待絕纓時

置酒高殿上

曹子建筮篥引日置酒
高殿上親友從我遊

陳王開甲第粉壁麗椒塗高窓侍玉女飛闥敞金鋪名
香散綺幕石硯彫金鑪清醪稱玉饋浮蟻擅蒼梧鄒嚴
恒接武申白日相趨容與升階玉差池曳履珠千金一
巧笑百萬兩鬟姝趙姬未鼓瑟齊客罷吹竽歌喧桃與
李琴挑鳳將雛魏君慙舉白晉主媿投壺風雲更代序
人事有榮枯長卿病消渴壁立還成都

門有車馬客行

飛觀霞光啓重門平日開北闕高箱過東方連騎來紅
塵揚翠轂赭汗染龍媒桃花夾逕聚流水傍池回投集作

揮鞭聊靜

集作接

電指軫暫停雷非關萬里客自有六音

才琴和朝雉操酒泛夜光杯舞袖飄金谷歌聲遶鳳臺
良時不可再騶馭鬱相催安知太行道失路車輪摧

白頭吟

平生懷直道松桂比真風語默妍媸際沈浮毀譽中一 讒
新恩易盡情去寵難終彈珠金市側抵玉春崑一作 山東
含香老顏駟執戟異楊雄惆悵崔亭伯幽憂馮敬通王
嬙沒胡塞班女棄深宮春苔封履跡秋葉奪妝紅顏如
花落槿鬢似雪飄蓬此時積長歎傷年誰復同

怨詩

集作情詩

新豐妖冶地遊俠競嬌奢池臺間羅綺桃李雜煙霞蓋
影分連騎衣香合並車艷粉驚飛蝶紅妝映落花舞衫
飄冶袖歌扇掩團紗玉床珠帳卷金樓鏡月斜還疑蕭
史鳳不及李倫家

應龍篇

應龍未起時乃在淵底歲非雲足不蹈舉則冲天翔譬
彼野蘭草幽居常獨香清風播四遠萬里望芬芳隱居
可願志自見焉得彰

輕薄篇

洛陽美年少朝日正開霞細蹠連錢馬傍趨首蓂花揚
鞭還却望春色滿東家井桃映水落門柳雜風斜綿蠻
弄清綺蛺蝶遶承華欲往飛廉館遙駐季倫車石榴傳
瑪瑙蘭肴奠象牙聊持自娛樂未是鬪豪奢莫嫌龍馭
晚扶桑復浴鷗

帝王所居篇

樂府不載見文苑英華

峻函惟帝宅宛雒壯皇居紫微臨複道丹水亘通渠沉
沉飛雨歟藹藹承明廬兩宮分燦日雙闕並凌虛休氣

充青瑣榮光入綺疏霞明仁壽鏡日照陵雲書鳴鸞背
鳩鵲詔蹕幸儲胥長楊飛玉輦御宿徒金輿柳葉飄緹
騎槐花影屬車薄暮歸平樂觀鐘滿玉除

朱鷺

金堤有朱鷺刷羽望滄瀛周詩振雅曲漢鼓發竒聲時
將赤鴈並乍逐彩鸞行別有翻潮處異色不相驚

上之回

林光稱避暑回中乃吉行龍媒躡影駛玉輦御雲輕風
鳥繞鳩鵲綵鷁照昆明歆知鍾箭遠遙聽寶鷄聲

戰城南

薊北馳胡騎城南接短兵雲屯兩陣合劔聚七星明旗
交無復影角憤有餘聲戰罷披軍策還嗟李少卿

君馬黃二首

幽并重騎射征馬正盤桓風去嘶聲一作長嘶遠冰堅度足

寒出關聊變色上坂屢停鞍即今隨御史非復在樓蘭

五色乘馬黃追風時滅沒血汗染龍花胡鞍抱秋月唯

騰渥洼水不飲長城窟詎待燕昭王千金市駿骨

芳樹

奇樹舒春苑流芳入綺錢合歡分四照同心影一作萬
年香浮佳氣裏葉映彩雲前欲識楊雄賦金玉滿甘泉

有所思

深閨久離別積怨轉生愁徒思裂帛鴈空上望歸樓看
花憶塞草對月想邊秋相思日日度玉臺作暮淚臉年年流

稚子班

陳倉雉未飛歛翮依芳甸朱冠色尚淺錦臆毛初變
雉麥且專場排花聊勇戰唯當渡弱水不怯如臯箭

臨高臺

層臺邇清漢出迥架重棼飛棟臨黃鶴高窓度白雲風
前朱幌一作慢色霞處綺踈分此中多怨曲地遠詎能聞

隴頭水二首

隴頭鳴四注征人逐貳師羌笛含流咽胡笳雜水悲滿
高飛轉駛澗淺蕩還遲前旌去不見上路杳無期

隴頭流水急流急行難渡遠入隗囂營傍侵酒泉路心
交賜寶刀小婦成紈袴欲知別家久戎衣今已故

折楊柳

楊柳半垂空裊裊上春中枝踈董澤箭葉碎楚臣弓色

映長河水花飛高樹風莫言限宮掖不閉長楊宮

關山月

巖間度月華流彩映山斜暈逐連城壁輪隨出塞車唐
莫遙合影秦桂遠分花歆驗盈虛理一作方知道路賒

洛陽道

曾城啓旦扉上落滿春暉柳影綠溝合槐花夾岸飛蘇
合彈珠罷黃間負駑歸紅塵暮不息相看連騎稀

梅花落

芳樹映雪一作野發早覺寒侵落落遠香風急飛多花逕

深周人歎初標魏帝指前林邊城少灌木折此自悲吟

紫駟馬

將軍入大宛善馬出從戎影絕乾河土聲流入一作窟
中似鹿猶依草如龍歆向空湏還十萬里試為一追風

雨雪曲

胡關辛苦地雪路遠湯湯含冰踏馬足雜雨凍旗竿沙
漠飛恒暗天山積轉寒無因辭日逐團扇掩齊紈

劉生

劉生絕名價豪俠恣遊陪金門四姓聚繡轂一作五香

一作來塵飛瑪瑙勒酒映碑礫杯別有追遊夜秋窓向

月開

公無渡河

金堤分錦纜白馬渡蓮舟風嚴歌響絕浪湧一作榜人

愁權折桃花水颿橫竹箭流何言沉璧處千載偶陽侯

對酒

當歌對玉酒匡坐酌金壘竹葉三清泛蒲萄百味開風

移蘭氣入月逐桂香來獨有劉將阮忘情寄羽杯

銅雀臺

雀妓

淒涼銅雀晚搖落墓田通雲慘當歌日松吟歆舞風人

疏瑤席冷曲罷總帷空可惜年將淚俱盡望陵中

長安有狹斜行

少年重遊俠長安有狹斜路窄時容馬枝高易度車簷

高同落照巷小共飛花相逢夾繡轂借問是誰家

飲馬長城窟行

秋草朔風驚飲馬出長城群驚還怯飲地險更宜行傷

冰斂凍足畏冷急寒聲無因度吳坂方復入羌城

泛舟橫大江

魏文帝飲馬長城窟行曰
泛舟橫大江討彼犯荆虜

大江脩且闊揚舲度迴磯波中畫鷁涌帆上錦花飛舟
移歷浦月擢舉濕春衣王孫定若遠詎待送將歸

煌煌京洛行

千門儼西漢萬戶擅東京凌雲霞上起鵙鵲月中生風
塵暮不息簫莞夜恒鳴唯當賣藥處不入長安城

明君詞

集作王明君

寒樹暗胡塵霜樓明漢月淚染上春衣憂變華年髮

神仙篇

雜言

瀛洲分渤海閬苑隔虹蜺歆識三山路須尋千仞溪石
梁雲外立蓬丘霧裏迷年深毀丹竈學久棄青泥葛水
留還杖天衢鳴去鷄六龍驤首起雲閣萬里一別何寥
廓玄都府內駕青牛紫蓋山中乘白鶴潯陽杏花終難
朽武陵桃花未曾落已見玉女笑投壺復覩仙童欣六
博同甘玉文棗俱飲流霞藥鸞歌鳳舞集天台金闕銀
宮相向開西王已令青鳥去東海還馭赤虬來魏武還
車逢漢女荆王因夢識陽臺鳳蓋隨雲聊蔽日霓裳雜
雨復乘雷神岳吹笙遙謝手當知福地有神才

文苑英華又一

首云億舜日萬堯年詠湛露歌採蓮願雜百
和氣宛轉金爐前樂府作沈約題曰樂未央

前有一樽酒行

前有一樽酒主人行壽今日合來坐者當令皆富且壽
欲令主人三萬歲終歲不知老為吏當高遷賈市得萬
倍桑蠶當大得主人宜子孫

詩紀卷之一百二

詩紀卷之一百三

陳六

張正見

泉園詩

御幸樂遊苑侍宴

以下
五言

大君臨四表榮光普八埏區中文化洽海外武功宣鳳
下書丹篆龜符著綠編昆明不習戰雲臺豈遊畋執文
通萬國旌節靖三邊高秋藐姑射睿想屬汾川兩宮明
合璧雙關帶非煙揚鑿出城觀詔蹕指郊壘禁苑廻雕

輦離宮建翠旒流水奔雷轂追風赴電鞭畫熊飄折羽
金埒響膠弦鳴玉升文砌稱觴溢綺筵獸舞依鍾石鸞
歌應管絃霞明黃鵠路風爽白雲天潦收荷蓋折露重
菊花鮮上林賓早鴈長楊唱晚蟬小臣慚藝業擊壤慕
懷鉛康衢飛馭羽大海滴微涓詠歌還集木舞蹈遂臨
泉願薦南山壽明明奉萬年

重陽殿成金石會竟上詩

周王興路寢漢后成甘泉共知崇壯麗迢遞與雲連抗
殿䟽龍首峻陞激天泉東西跨函谷左右矚伊瀍百常

飛觀竦三休複道懸拱烏遙造日捧虬遠架煙雲棟疑
飛雨風窓似望僊玉女臨芳鏡金璫映彩椽梅梁橫發

藻藻井倒披蓮雲

一作榮

光開御宿佳氣屬祈年霜鴈排

空斷寒花映日鮮負宸憑霄極台司列象躔登臺誼大
厦御氣響鈞天北斗承三獻南風入五絃鸞歌鵲鵲右
獸舞射熊前翔鷲仰不逮鷺雀徒聯翩

征虜亭送新安王應令

鳳吹臨南浦神駕餞東平亭迴漳水乘旆轉洛濱笙地
凍班輪響風嚴羽蓋輕燒田雲色暗古樹雪花明岐路

一迴首流襟動睿情

從藉田應衡陽王教作

五章

帝京惟赤縣神居應紫微
塗山萬國仰滄海百川歸
東郊事平秩仲月祀靈威
含光開早扇閭闔啓朝扉

洛城鍾漏息靈臺雲霧卷
森森虎戟前藹藹鑾旂轉
屬車遊絳闕風鳥度丹巘
帳殿幸金輿旌門擁玉輦

玉輦帶非煙金輿映綠川
雨師清遠路風伯靜遙天
分渠通沃野激水入公田
草發

律祖作
幕接

青壇外花飛蒼玉

前

蒼玉臨珪壁青壇躬帝籍
冒楸乃三推齊衡均百辟
蘭場儼芝駕桂圃芳瑤席
山禽韻管絃野獸和鍾石
鍾石旣相和江海復無波
梁客簪裾盛陳王文雅多
脩途參弱駘喬木間輕蘿
幸承濫吹末擊壤自為歌

從永陽王遊虎丘山

滄波壯鬱島洛邑鎮崇芒
未若茲山麗宕堯擅水鄉地
靈伴少室塗艱像太行重
岩標虎據九曲峻羊腸溜深
澗無底風幽谷自涼寶沉
餘玉氣劔隱絕星光白雲多
異影丹桂有藂香遠看銀
臺竦洞塔耀山莊瑞草生金

地天花照石梁

陪衡陽王遊耨寺

甘棠聽訟罷福宇試登臨
兔苑移飛蓋王城列玳簪
階荒猶累玉地古尚填金
龍橋丹桂偃鷲嶺白雲深秋窻
被旅葛夏戶響山禽清風吹麥壟
細雨濯梅林

與錢玄智汎舟

高門事休沐朝野恣逢迎還乘

一作

金谷水俱望洛陽

城舟移津女渡楫動渭橋橫
風高鴈已落雨霽水還清
荼盡桐門淨花秋菊岸明
欲奏江南曲聊習棹歌行

遊匡山簡寂館

三梁礪本絕千仞路猶通
即此神山內銀榜映仙宮
鏡似臨峯月流如飲澗虹
幽桂無斜影深松有勁風
惟當遠人望知在白雲中

和諸葛覽從軍游獵

治兵耀武節縱獵駭畿封
迅騎馳千里高置起百重
騰麕斃馬足飢鼯落劒鋒
雲根飛燒火鳥道絕禽蹤
方羅四海俊聊以習軍戎

山家閨怨

王孫春好遊雲鬢不勝愁離鴻暫罷曲別路已經秋
山中桂花晚勿為俗人留

和陽

一作楊

侯送袁金紫

玄泉開隧道白日照佳城一朝嗟此路千載幾傷情
秋氣一作雨悲松色淒風咽挽聲歸雲向谷晚還柳背山輕
唯當三五夜壘月暫時明

傷韋侍讀

懷經傳北海蘊義盛西河高峯落迴照逝水沒驚波
柳下悲風急山陽秋氣多宿草摧書帶寒松脆女蘿無復

華陰市空餘萬里歌

後湖泛舟

上苑奢行樂滄池聊薄遊汎荷分蘭櫂沉槎觸桂舟
殘虹收度雨缺岸上新流歆知有高趣長楊送麥秋

遊龍首城

關外山川闊城隅塵霧浮白雲凝絕嶺滄波間斷洲
四面觀長薄千里眺平丘河津無桂樹樽酒自淹留

別韋諒賦得江湖汎別舟

千里潯陽岸三翼木蘭船鷓汎青鳧後鷄鳴白鷺前
涵

花沒淺纜帶葉動深船不言朝夕水獨自限神仙

星名從軍詩

樂府作從軍行

將軍定朔邊刁斗出祁連高柳橫遙塞長榆接遠天井

泉含凍竭烽火照山燃歆知客心斷危旌萬里懸

賦得韓信

淮陰摠漢兵燕齊擅遠聲沉沙擁急水拔幟上危城野

有千金報朝稱三傑名所悲雲夢澤空傷狡兔情

行經季子廟

延州高讓遠傳芳世紀移地絕遺金路松悲懸劍枝野

藤侵沸井山雨濕苔碑別有觀風處樂奏無人知

賦得落落窮巷士

左思詠史詩落落窮巷士抱影守空廬

楊雲不邀名原憲本遺榮草長三徑合花發四隣明塵

隨幽巷靜嘯逐遠風清門外無車轍自可絕公卿

賦得日中市朝滿

鮑照結客少年場行日中市朝滿車馬若川流

雲閣綺霞生旗亭麗日明塵飛三市路蓋入九重城竹

葉當壚

初學作杯

滿桃花帶綬輕唯見爭名利安知大隱情

賦得題新雲

西北春雲起遙臨偃蓋松根危纔吐葉氣淺未成峯風
前飛未斷日處影疑重體輕無五色詎是得從龍

賦得白雲臨酒

白雲蓋濡水流彩入澠川踈葉臨嵇竹輕鱗入鄭船菊
泛金枝下峯斷玉山前一朝開五色飄飄映十千

詠雪應衡陽王教

九冬飄遠雪六出表豐年睢陽生玉樹雲夢起瓊田入
窓輕落粉拂柳駛飛綿欵動淮南賦亂下桂花前

賦得雪映夜舟

黃雲迷鳥路白雪下鳧舟分沙映冰浦照鶴聚寒流檣
風吹影落纜錦雜花浮舩梁若是桂翻如月照秋

薄帷鑒明月

阮籍詠懷詩薄帷鑒
明月清風吹我衿

長河上桂月澄彩照高樓分簾疑碎壁隔幔似垂鈎窓
外光恒滿帷一作閨中影暫流豈及西園夜長隨飛蓋遊

玄圃觀春雪

同雲遙映嶺瑞雪近浮空拂鶴伊川上飄花桂苑中影

麗重輪月飛隨團扇風還取長歌處帶曲舞春風

秋河曙耿耿

謝朓詩秋河曙耿耿寒渚蘚蒼蒼

耿耿長河曙濛濛宿雲浮天路橫秋水星衡一作轉夜

流月下姮娥落風驚織女秋德星猶可見仙槎不復留

浦狹村煙度

梁簡文龍丘引浦狹村煙度洲長歸鳥息

茅蘭夾兩岸野燎燭中川村長合夜影水狹度浮煙收

光暗鳥弋分火照漁船山人不炊桂樵華幸共然

和衡陽王秋夜

睢苑涼風舉章臺雲氣收螢光連燭動月影帶河流綠

綺朱絃汎黃花素蟻浮高軒揚麗藻即是賦新秋

賦得山卦名

蓬萊遁羽客巖穴轉蒙籠雲歸仙井暗霧解石橋通影

帶臨峯鶴形隨雜雨風尋師不失路咸欲馭飛鴻

初春賦得池應教

遙天收密雨高閣映奔曦雪盡青山路冰銷綠水池春

光落雲葉花影發晴枝琴樽奉終宴風月豈云疲

賦得垂柳映斜谿

千仞清溪險三陽弱柳垂葉細臨湍合根空帶石危風
翻夾浦絮雨濯倚流枝不分梅花落還同橫笛一作吹

賦得岸花臨水發

何遜贈諸遊舊詩岸花
臨水發江燕遶檣飛

奇樹滿春洲落葉映江浮影間蓮花石光涵濯錦流漾
色隨菼水飄香入桂舟別有仙潭菊含芳獨向秋

賦得風生翠竹裏應教

金風起燕觀翠竹夾梁池翻花疑鳳下颺水似龍移帶

露依深葉飄寒入勁枝聊因萬籟響詎待伶倫吹

賦得山中翠竹

脩竹映巖垂來風異夾池復澗藏高節重林隱勁枝雲
生龍未上花落鳳將移莫言棲嶰谷伶倫不復吹

賦得梅林輕雨應教

梅樹耿長虹芳林散輕雨蜀郡隨仙去陽臺帶雲聚飄
花更濯枝潤石還侵柱詎得零陵燕隨風時共舞

賦新題得蘭生野徑

披襟出蘭畹命酌動幽心鋤罷還開路歌喧自動琴華

燈共影落芳杜雜花深莫言閑逕裏遂不斷黃金

賦得威鳳棲梧

初學云賦得
棲梧桐威鳳

丹山下威鳳來集帝梧中欲舞春花落將飛秋葉空影
照龍門水聲入洞庭風別有將雛曲翻更合絲桐

賦得魚躍水花生

漾色桃花水相望濯錦流躍浦疑珠出依池似鏡浮凌
波銜落葉觸餌避沉鈎方遊蓮葉外詎入武王舟

賦新題得寒樹晚蟬踈

寒蟬噪楊柳朔吹犯梧桐葉迥飛難住枝殘影共空聲

踈飲露後唱絕斷絃中還因搖落處寂寞盡秋風

賦得秋蟬唱

一作咽

柳應衡陽王教

秋鴈寫

一作氣爽

遙天園柳集驚蟬競噪長枝裏爭飛落木

前風高知響急樹近覺聲連長楊流唱盡詎識蔡邕絃

秋日別庾正員

英華作
徐陵

征途愁轉旆連騎慘停鑣朔氣凌踈木江風送上潮青
雀離帆遠朱鷺別路遙唯有當秋月夜夜上河橋

賦得佳期竟不歸

七言

庾肩吾有所思曰佳期
竟不歸春物坐芳菲

良人萬里向河源
娼婦三秋思柳園
路遠寄詩空織錦
宵長夢返欲驚魂
飛蛾屢繞帷前燭
衰草還侵堦上玉
街啼拂鏡不成粧
促柱繁絃還亂曲
時分年移竟不歸
偏憎寒急夜縫衣
流螢映月明空帳
踈葉從風入斷機
自對孤鸞向影絕
終無一鴈帶書回

賦得堦前嫩竹

翠竹稍雲自結叢
輕花嫩筍欲凌空
砌曲橫枝屢解籜
階前踈葉強來風
欲知抱節成龍處
當於山路葛陂中
詩紀卷之一百三

詩紀卷之一百四

陳七

江總

字總持濟陽考城人初仕梁累官至尚書僕射
陳天嘉中轉太子詹事右主嗣位歷任尚書令
不持政務但日與後主隨宴後庭多為艷詩國政
日頹君臣昏亂陳亡入隋拜上開府關皇中卒

樂府

稚子班

以下
五言

麥壟新秋來澤雉
屢徘徊依花似協
妬拂草乍驚媒三
春桃照李二月柳
爭梅暫住如臯路
當令巧笑開

龍頭水二首

隴頭萬里外天涯四面絕人將蓬共轉水與啼俱咽驚
湍自湧沸古樹多摧折傳聞博望侯苦辛提漢節
霧暗山中日風驚隴上秋徒傷幽咽響不見東西流無
期從此別更度幾年幽遙聞玉關道望入杳悠悠

折楊柳

萬里音塵絕千條楊柳結不悟倡園花遙同羌嶺

一作天嶺

雪春心自浩蕩春樹聊攀折共此依依情無奈年年別

關山月

兔月半輪明狐關一路平無期從此別復欲幾年行

光書漢奏分影照胡兵流落今如此長戍受降城

洛陽道二首

德陽穿洛水伊闕邇河橋仙舟李膺棹小馬王戎鑣杏

堂歌吹合槐路風塵饒綠珠含淚舞孫秀疆相邀

小平路

一作臨

四達長楸聽五鍾玉節迎司隸錦車歸濯

龍弦歌聲不息環珮響相從花障蕩舟笑日暎下山逢

長安道

翠蓋承輕霧金羈照落暉五侯新拜罷七貴早朝歸
轟轟紫陌上藹藹紅塵飛日暮延平客風花拂舞衣

梅花落二首

縹色動風香羅生枝已長妖姬墜馬髻未挿江南璫轉
袖花紛落春衣共有芳羞作秋胡婦獨採城南桑
胡地少春來三年驚落梅偏疑粉蝶散乍似雪花開可
憐香氣歇可惜風相摧金鏡且莫韻玉笛幸徘徊

紫騮馬

春草正萋萋蕩婦出空閨識是東方騎猶帶北風嘶揚
鞭向柳市細蹠上金堤願君憐織素殘妝尚有啼

驄馬驅

長城兵氣寒飲馬詎為難暫解青絲轡行歇鏤衢鞍白
登圍轉急黃河凍不乾萬里朝飛電論功易走丸

雨雪曲

雨雪隔榆溪從軍度隴西
遶障看狐迹依山見馬蹄
天寒旗彩壞地暗鼓聲低
漫漫愁雲起蒼蒼別路迷

劉生

外編作王由禮
題云贈俠侶

劉生眉意氣長嘯且徘徊高一作辯論明秋求命賞陟春

臺干戈倜儻用筆硯縱橫才置驛無年限遊俠四方來

婦病行

窈窕懷貞室風流挾琴婦唯將角枕臥自影啼妝久羞
開翡翠帷嬾對蒲萄酒深悲在縑素託意忘箕箒夫壻
府中趨誰能大垂手

置酒高殿上

三清傳旨酒柏梁奉歡宴霜雲動玉葉凍水踈金箭羽
籥響鍾石流泉灌金殿盛時不再得光景馳如電

今日樂相樂

綺殿文雅道玳筵歡趣密鄭熊逶迤舞齊弦窈窕金
壘送縹觴玉井沈朱實願此北堂宴長奉南山日

簫史曲

弄玉秦家女簫史仙處童來時兔月滿去後鳳樓空密
笑開還歛浮聲咽更通相期紅粉色飛向紫煙中

無由效詠燕燕于飛應詔

二月春暉暉雙燕理毛衣銜花弄薔蘿靡拂葉隱芳菲或
在堂間戲多從幕上飛若作仙入履終向日南歸

濟黃河

六朝聲偶作
抑顧言者非

葱山淪外域鹽澤隱遐方兩源分際遠九道派流長未
殫所聞見無待驗詞章留連嗟太史惆悵踐黎陽導波

縈地節

一作脉

疏氣耿天潢憫周沉用寶嘉晉肇為梁

橫吹曲

簫聲鳳臺曲洞吹龍鍾管鏜鏜漁陽慘怨抑胡笳斷

怨詩二首

以下七言

採桑歸路河流深憶昔相期柏樹林柰許新繾傷妾意

無由故劍動君心

新梅嫩柳未障羞情去恩移那可留團扇篋中言不分

拾遺作畫

纖腰掌上詎勝愁

烏棲曲

桃花春水木蘭橈金羈翠蓋聚河橋隴西上計應行去

城南美人啼著曙

芳樹

朝霞映日殊未妍珊瑚照水定非鮮千葉芙蓉詎相似

百枝燈花復羞然暫欲寄根對滄海大願移華側綺錢

井上桃蟲誰可雜庭中桂蠹豈見憐

東飛伯勞歌

一作紹古歌

南飛烏鵲北飛鴻弄玉蘭香時會同誰家可憐出牕牖

春心百媚勝楊柳銀床金屋挂流蘇寶鏡玉釵橫珊瑚

年時二八新紅臉宜笑宜歌羞更斂風花一去杳不歸
祇為無雙惜舞衣

雜曲三首

行行春逕靡蕪綠織素那復解琴心乍愜南階悲綠草

誰堪東陌怨黃金紅顏素月俱三五夫婿何在今追

集作

征虜關山隴月春雪冰

一作深

誰見人啼花照戶

殿內一處起金房併

玉臺作便

勝餘人白玉堂珊瑚挂鏡臨

網戶芙蓉作帳照雕梁房櫳宛轉垂翠幕佳麗逶迤隱

珠箔風前花管颺難留舞處花鈿低不落陽臺通夢太

非真洛浦凌波復不新曲中唯聞張女調

一作曲

定有同

姓可憐人但願私情賜斜領不願傍人相比並妾門逢

春自可榮君面未秋何意冷

泰山言應可轉移新寵不信更參差合懽錦帶鴛鴦鳥

同心綺袖連理枝皎皎新秋明月開早露飛螢暗裏來

鯨燈落花殊未盡虬水銀箭莫相催非是神女期河漢

別有仙姬入吹臺未眠解著同心結欲醉那堪連理杯

後宮不愜茱萸芳夜夜爭開蘇合房寶釵翠鬢還相似

朱脣玉面非一行新人未語言如澀新寵無前判不臧

願奉更衣蘭麝氣恐君馬到自驚香

梅花落

文苑英華作徐陵今從玉
臺樂府作江總下篇同

臘月正月早驚春衆花未發梅花新
可憐芬芳臨玉臺
朝攀晚折還復開長安少年多輕薄
兩兩共唱梅花落
滿酌金卮催玉柱落梅樹下宜歌舞
金谷萬株連綺甍
梅花密處藏嬌鶯桃李佳人欲相照
摘葉一作葉牽花來
並笑楊柳條青樓上輕梅花色白
雪中明橫笛短簫淒
復切誰知柏梁聲不絕

宛轉歌

七夕天河白露明八月濤水秋風驚
樓中恒聞哀響曲
塘上復有辛苦行不解何意悲秋氣
直置無秋悲自生
不怨前堦促織鳴偏愁別路擣衣聲
別燕差池自有返
離蟬寂寞詎含情雲聚懷情四望臺
月冷相思九重觀
欲題芍藥詩不成來採芙蓉花已散
金樽送曲韓娥起
玉柱調弦楚妃歎翠眉結恨不復開
寶鬢迎秋度前亂
湘妃拭淚灑貞筠
筴藥浣衣何處人
步步香飛金薄履
盈盈扇掩珊瑚脣
已言採桑期陌上復能解佩就江濱
競入華堂要花枕
爭開羽帳奉華茵
不惜獨眠前下釣

詩紀卷之七
歆許便作後來新後來冥冥同玉林可憐顏色無比方
誰能巧笑特窺井乍取新聲學繞梁宿處留嬌墮黃珥
鏡前含笑弄明璫卷施摘心心不盡茱萸折葉葉更芳
已聞能歌洞簫賦詎是故愛邯鄲倡

長相思二首

雜言

長相思久離別征夫去遠芳音

一作幽芳

滅湘水深隴頭咽

紅羅斗帳裏綠綺清弦絕逶迤百尺樓愁思三秋結
長相思久別離春風送鷺入簷窺暗開脂粉弄花枝紅
樓千愁色玉筍兩行垂心心不相照望望何由知

卷

詩紀卷之一百五

陳八

江總

詩

秋日侍宴婁苑湖應詔

以下五言

翠渚還鑿輅瑤池命羽觴千門響雲蹕四澤動榮光玉
軸昆池浪金舟太液張虹旗照島嶼鳳蓋繞林塘野靜
重陰闊淮秋水氣涼霧開樓闕近日迥烟波長洛宴諒
斯在鎬飲詎能方朽劣叨榮遇簪笏奉周行

侍宴玄武觀

詰曉三春暮新雨百花朝星宮移渡罕天駟動行鑣旆
轉蒼龍闕塵飛飲馬橋翠觀迎斜照丹樓望落潮鳥聲
雲裏出樹影浪中搖歌吟奉天詠未必待聞韶

宴樂脩堂應令

肅城通甲觀承華啓畫堂北宮降恩賞西園度羽觴殊
私奉玉裕終冥在金房庭暉連樹彩簷影接雲光仙如
伊水駕樂似洞庭張彈絲命琴瑟吹竹動笙簧庸踈濫
應阮哀朽慙連章

三日侍宴宣遊堂曲水

上巳娛春禊芳辰喜月離北宮命簫鼓南館列旌麾繡
柱擎飛閣雕軒傍曲池醉魚沉遠岫浮棗漾清漪落花
懸度影飛絲不礙枝樹動丹樓出山斜翠磴危禮周羽
爵遍樂闕光陰移

秋日遊昆明池

元行恭薛道衡有此詩

靈

一作玄

沼蕭條望遊人意緒多終南雲影落渭北雨聲

過蟬噪金隄柳鷺飲石鯨波珠來照似月織處寫成河
此時一作詎知臨水歎非復採蓮歌

秋日登廣州城南樓

秋城韻晚笛危榭引清

一作

風遠氣疑埋劍驚禽似避

弓海樹一邊出山雲四面通野火初烟細新月半輪空
塞外離群客顏鬢早如蓬徒懷建鄴水復想洛陽宮不
及孤飛鴈獨在上林中

贈洗馬袁朗別

賈誼登朝日終軍對奏年校文升廣內撫劍入崇賢竒
才殊艷逸將別更留連驅車命鏡管拱坐面林泉池寒
稍下鴈木落久無蟬露浸山扉月霜開石路烟高談無

與慰遲爾報華篇

詒孔中丞奩

我行五嶺表辭鄉二十年聞鶯歌動詠披霧即依然疇
昔同寮案今隨年代改借問藏書處唯君故人在故人
名宦高霜簡肅權豪誰知懷九歎徒然泣二毛步出東
郊望心游江海上遇物便今古何為不惆悵初晴原野
開宿雨潤條枚叢花曙後發一鳥霧中來淹留蘭蕙苑
吟嘯芳菲晚忘懷靜躁間自覺風塵遠白社聊可依青
山乍採薇鍾牙乃得性語默豈同歸

贈賀左丞蕭舍人

輜軒通八表旌節驚三秦聽歌酬敏對繼好佇行人賀
生思沉鬱蕭弟學紛綸共有筆端譽皆為席上珍離群
徒悄悄征旅日駢駢黃河分太史一曲悲千里海內平
生親中朝流寓士痛哉憫梁祚于馬三十祀鍾儀繫不
歸盛憲悲何已隴頭心斷絕爾為叅生死回首望長安
猶如蜀道難函關分地軸華嶽接天壇行壇方境逝去
棹艤江干蘆花霜外白楓葉水前丹翔鷗方怯凍落鴈
不勝彈輝輝盛王道時務嬰疲老九流倦耳目十年變
懷抱何以敦岐路凄然綴辭藻江南有桂枝塞北無萱
草斗酒未為別垂堂深自保

遇長安使寄裴尚書

傳聞合浦葉遠向洛陽飛北風尚嘶馬南冠獨不歸去
雲目徒送離琴手自揮秋蓬失處所春草屢芳菲太
息關山月風塵客子衣

別南海賓化侯

石關通越井蒲澗通靈洲此地何遼夙群英逐遠遊高
才袁彥伯令譽許文休悠焉值君子復此映芳猷嶠函

多險澁星瑄壯環周分岐泣世道念別傷邊秋斷山時
結霧平海若無流驚鷺一群起哀猿數處愁是日送歸
客為情自可求終謝能鳴鴈還同不繫舟其如江海泣
惆悵徒離憂

庚寅年二月十二日遊虎丘山精舍

縱棹憐迴曲尋山靜見聞每從芳杜性須與俗人分貝
塔涵流動花臺偏領芬蒙籠出簷桂散漫繞牕雲情幽
豈狗物志遠易驚群何由狎魚鳥不願屈玄纁

入龍丘巖精舍

法堂猶集鴈仙竹幾成龍聊承丹桂馥遠視白雲峯風
牕穿石竇月牖拂霜松暗谷留征鳥空林徹夜鍾陰崖
未辨色疊樹豈知重溘此哀時命吁嗟世不容無由訪
詹尹何去復何從

明慶寺

十五詩書日六十軒冕年名山極歷覽勝地殊留連幽
厓聳絕壁洞穴瀉飛泉金河知證果石室乃安禪夜梵
聞三界朝香徹九天山階步皎月澗戶聽涼蟬市朝霑
草露淮海作桑田何言望鍾嶺更復切秦川

入攝山栖霞寺

并序〇一作再遊栖霞寺言志

壬寅年十月十八日入攝山栖霞寺登岸極峭頗暢
懷抱至德元年癸卯十月二十六日又再遊此寺布
法司施菩薩戒甲辰年十月二十五日奉送金像
還山限以時務不得恣情淹留乙巳年十一月十六
日更獲拜禮仍停山中宿永夜留連棲神悚聽但交
臂不停薪指俄謝率製此篇以記即日俾後來賞者

知余山志

淨心抱冰雪暮齒逼

一作桑榆太息波川迅悲哉人世

拘歲華皆採獲夕晚共嚴枯濯流濟八水開襟入四衢

茲山靈妙合當與天地俱石瀨乍深淺崖煙遞有無缺

碑橫古隧盤木卧荒塗行行備履歷步步麟

一作麟

威紆

高僧迹共遠勝地心相符樵隱各有得丹青獨不渝

寺猶

有朗詮二師居士明僧
紹治中蕭跡塑像圖

遺風佇芳桂比德喻生芻寄言

長徃客悽然傷鄙夫

遊攝山栖霞寺

并序

禎明元年太歲丁未四月十九日癸亥入攝山展慧
布法師憶謝靈運集還故山入石壁中尋曇隆道人

有詩一首十一韻今此拙作仍學康樂之體

霖霖時雨霽清和孟夏肇栖宿綠野中登垣丹霞杪敬
仰高人德抗志塵物表三空豁已悟萬有一何小始從
情所寄冥期諒不少荷衣步林泉爽氣涼昏曉乘風面
泠泠候月臨皎皎烟崖憇古石雲路排征鳥披逕憐森
沉攀條惜杳裊平生忘是非朽謝豈矜矯五淨自此涉
六塵庶無擾

攝山栖霞寺山房夜坐簡徐祭酒周尚書并同

遊群彥

澡身事珠戒非是學金丹月磴時橫枕雲崖宿解鞍梵
宇調心易禪庭數息難石澗水流靜山窻葉去寒君思
北闕駕我惜東都冠翻愁夜鍾盡同志不盤桓

仰同令君攝山栖霞寺山房夜坐六韻

徐孝克

陵之弟性至孝能談玄理尤精意佛
教宣帝時為國子祭酒陳亡入隋授

國子
博士

戒壇青石路靈相紫金峯影盡歸依鶴餐迎守護龍
晨朝宣寶偈寒夜斂踈鍾鷄蘭靜含握仁智獨從容
五禪清慮表七覺蕩心封願言於此處携手屢相逢

靜卧栖霞寺房望徐祭酒

絕俗俗無侶脩心心自齋連崖夕氣合虛宇宿雲霾卧
藤新接戶欹石久成階樹聲非有意禽戲似忘懷故人
市朝狎心期林壑垂唯憐對芳杜可以為吾儕

仰和令君

徐孝克

上宰明四空廻車八道中洞涼容麥氣巖光對月宮
香來詎經火花散不隨風澗松無異聒禪桂兩分叢
虛薄誠為累何因偶會同暫此垂山北猶可向墻東
營涅槃懺還塗作

并序

禎明二年仲冬攝山栖霞寺布法師只爾待終余以
此月十七日宿昔入山仰為師氏營涅槃懺還塗有
不此作

可否同一貫生死亦一條况期滅盡者豈是俗中要人
道離群愴冥期出世遙留連入澗曲宿昔陟巖椒石溜
冰便斷松霜日自銷向崖雲變隼出谷霧飄颻勿言無
大隱歸來即市朝

至德二年十一月十二日升德施山齋三宿决

定罪福懺悔詩

四知無矯志二施啓幽心簡通避人物偃息還山林曲
澗停騶響交枝落幔陰池臺聚凍雪欄牖噪歸禽石彩
無新故峯形詎古今大車何杳杳奔馬遂駸駸何以脩
六念虔誠在一音未泛慈舟遠徒令願海深

南越木槿歌

帝粧梁冀婦紅粧蕩子家

一作長娥
衛女家

若持花並笑宜笑

不宜花趙女垂金珥燕姬插寶珈誰知紅槿艷無因寄
狹邪徒令萬里道攀折自咨嗟

詠採甘露應詔

祥露曉氛氲上林朝晃朗千行珠樹出萬葉瓊枝長徐
輪動仙駕清晏留神賞丹水波濤汎黃山烟霧上風亭
翠旆開雲殿朱絃響徒知恩禮洽自憐名實爽

借劉太常說文

劉棻慕子雲許慎詢景伯碩學該蟲篆竒文秀鳥跡曰
余徒下帷待問垂重席不詣王充市聊投班玩籍三寫
徧鑽研六書多補益幽居服藥餌山宇生虛白留連嗣
芳杜曠蕩依泉石夫君愛滿堂願言馳下澤

賦得一日成三賦應令

副君睿賞適清夜北園遊下筆成三賦傳觴對九秋飛
文綺縠采落紙波濤流樹密寒蟬響簷暗雀聲愁綠淑
明層殿青山照近樓此時盛禮物顧省良若抽

攝官梁小廟

梁有小廟太祖太夫人廟也非嫡故別立廟
南史曰侯景寇建鄴詔以總權兼太常卿守

廟小

疇昔遊依所今日薦櫻時憲章誠有革歲月遂難思故
人獨之子官聯更在茲虛簷靜暮雀洞戶映光絲平生
復能幾語事必傷悲

卞山楚廟

蘋藻祈明德倚禱息岩阿忽聽晨鷄曙非復楚宮歌闌
階薤宿薺古木斷懸蘿帷堂寂易晚桴鼓自相和盛祀
流百世英威定幾何

臨山庭春日

一作休沐山庭

洗沐惟五日樓遲在一作對一丘古楂橫近澗危石聳前

洲岸綠開河柳池紅照海榴野花寧待晦山蟲詎識秋
人生復能幾夜燭非長游

秋山天七夕

六朝聲偶作柳顧言者非

漢曲天榆冷河邊月桂秋
婉孌期今夕飄飄渡淺流
輪

隨列宿動一作轉路逐彩雲浮
橫波翻瀉淚束素反緘愁

此時機杼息獨向紅粧羞

南還尋草市宅

紅顏辭鞚洛白首入輾轅
乘春行故里徐步采芳蓀
逕

毀悲求仲林殘憶巨源
見桐猶識井看柳尚知門
花落

空難遍鶯啼靜易誼無人
訪語默何處叙寒溫
百年獨

如此傷心豈復論

和張記室源傷往集作傷人

小婦當壚夜夫聳凱歸年
正歌千里曲翻入九重泉
機

中未斷素瑟上本留絃空
帳臨窻掩孤燈向壁燃
還悲

寒隴曙一作樹松短未生烟

在陳旦解醒共哭顧舍人一作傷人
顧野王

獨酌一樽酒高詠七哀詩
何言萬里別非復竹林期
堦

荒鄭公草戶閭董生帷人
隨暮一作朝槿落客共晚鶯悲

年髮兩如此傷心詎一作獨幾時

侍宴臨芳殿六朝聲偶作柳顧言者非

鍾箭自一作且徘徊皇堂薦羽杯
橋平疑水落石迥見山

開林前暝色靜花處近香來西岷傷撫夕北閣濫游倍
侍宴瑤泉殿

水亭通粉詣石路接堂皇野花不識采旅竹本無行雀
驚疑欲曙蟬噪似含涼何言金殿側亟奉瑤池觴

別袁昌州二首

河梁望隴頭分手路悠悠徂年若驚電別日歆成秋黃
鵠飛飛遠青山去去愁不言雲雨散更似東西流

客子嘆途窮此別異西東關山嗟墜葉岐路憫征蓬別
鶴聲聲遠愁雲處處同

經始興廣果寺題愷法師山房

息舟候香埠悵別在寒林竹近交枝亂山長絕逕深輕
飛入定影落照有踈陰不見投雲狀空留折桂心

和衡陽殿下高樓看妓

起樓侵碧漢初日照紅粧絃心艷卓女曲誤動周郎並
歌時轉黛息舞暫分香掛纓銀燭下莫笑玉釵長

賦得空閨怨

蕩妻怨獨守盧姬傷獨居瑟上調絃落機中織素餘自
羞淚無燥翻覺夢成虛復嗟長信閣寂寂往來踈

并州羊腸坂

三春別帝鄉五月度羊腸本畏車輪折翻嗟馬骨傷驚
風起朔鴈落照盡胡桑關山定何許徒御慘悲涼

歲暮還宅

悵然想泉石駟駕出城臺翫竹春前筍驚花雪後梅青
山殊可對黃卷復時開長繩豈繫日濁酒傾一杯

春夜山庭

春夜芳時晚幽庭野氣深山疑刻削意樹接縱橫陰戶
對忘憂草池驚旅浴禽樽中良得性物外知余心

夏日還山庭

獨於幽棲地山庭暗女蘿澗清長低篠池開半卷荷野
花朝暝落盤根歲月多停樽無賞慰狎鳥自經過

賦得謁帝承明廬

霧開仁壽殿雲繞承明廬輪停紺幃引馬度紅塵餘香
貂拜散袞花綬拂玄除謁帝升清漢何殊入紫虛

賦得携手上河梁應詔

早秋天氣涼分手關山長雲愁數處黑木落幾枝黃鳥
歸猶識路流去不知鄉秦川心斷絕何悟是河梁

賦得汎汎水中鳧

歸鳧沸卉同亂下芳塘中出沒時街藻飛鳴忽颺風深
深或不息戲廣若乘空春鸚徒有賦還咲在金籠

賦得三五明月滿

三五兔輝成浮陰冷復輕隻輪非戰反團扇少歌聲雲
前來往色水上動搖明况復高樓照何嗟攬不盈

衡州九日

秋日正淒淒茅茨復蕭瑟姬人薦初醞幼子問殘疾園
菊抱黃華庭榴剖珠寶聊以著書情暫遣他鄉日

賦詠得琴

可憐嶧陽木雕為綠綺琴田文垂睫淚卓女弄絃心戲
鶴聞應舞游魚聽不沉楚妃幸勿歎此異丘中吟一作音

詠雙闕

象闕連馳道天一作月宇照方䟽刻鳳棲清漢圖龍入紫

虛屢逢膏露灑幾遇祥烟初兢言百尺麗寧方萬丈餘

土無意三善殿夜望山燈

六朝聲偶作柳顧言者非

長不負疑

百花疑吐夜四照似含春的的連星出亭亭向月新採
珠非合浦贈珮異江濱若任扶桑路堪言並日輪

奉和東宮經故妃舊殿

故殿看看冷空階步步悲猶憶窺窓處還如解佩時苔
生無意早燕入有言遲若令歸就月照見不須疑

同庾信荅林法師

藝文作周弘正

客行七十歲歲暮遠徂征塞雲凝不解隴水凍無聲君
看日遠近為村長安城

詠李

嘉樹春風早春風花落新但見成蹊處幾得正冠人當
知露井側復與夭桃鄰

詠蟬

白露涼風吹朱明落照移鳴條噪林柳流響遍臺池村
聲如易得尋忽却難知

荅王筠早朝守建陽門開

金兔猶懸魄銅龍欲啓扉三條息行火百雉照初暉御
溝槐影出仙掌露光晞

侍宴賦得起坐彈鳴琴

絲傳園客意曲奏楚妃情罕有知音者空勞流水聲

別永新侯

詩彙作張正見者非

送君張掖郡分悲函谷關欲知腸斷絕浮雲去不還

春日

水苔宜溜色山櫻助落暉浴鳥沉還戲飄花度不歸

於長安歸還揚州九月九日行薇山亭賦韻

心逐南雲逝形隨北鴈來故鄉籬下菊今日幾花開

一作

長安九日詩曰心逐南雲去身隨北鴈來故園籬下菊今日為誰開

哭魯廣達

南史曰廣達陳之良將也至德二年為侍中中領軍賀若弼進軍鍾山廣達力戰及韓擒

乘勝破宮城廣德被執入隋以憤

慨卒江撫樞慟哭題其棺曰

黃泉雖抱恨白日自留名悲君感義死不作負恩生

秋日新寵美人應令

以下七言

後宮唯聞莫瓊樹絕世復有宋容華皆自爭名進女第

定覺雙飛勝蕩家願並迎春比翼燕長作照日同心花

聞道艷歌時易調忖許新恩那久要翠眉未盡自生愁

玉臉含啼還似笑角枕千嬌薦芬香若使琴心一曲奏

幽蘭度曲不可終陽臺夢裡自應通秋樹相思一枝綠

為插賤妾兩鬟中

新入姬人應令

洛浦流風漾淇水秦樓初日度陽臺玉軼輕輪五香散
金燈夜火百花開非是妖姬渡江日定言神女隔河來
來時向月別姮娥別時清吹悲簫史數錢拾翠爭佳麗
拂紅點黛何相似本持纖腰惑楚宮暫迴舞玉臺作鸞袖驚
吳市新人羽帳掛流蘇故人網戶織蜘蛛梅花柳色春
難遍情來春去在湏臾不用庭中賦綠草但願思著弄
明珠

閨怨篇

寂寂青樓大道邊紛紛白雪綺窻前池上鴛鴦不獨自

帳中蘇合還空然屏風有意障明月燈火無情照獨眠
遼西水凍春應少薊北鴻來路幾千願君關山及早度
念妾桃李片時妍

共上朝又

藝文作江搃次閨怨篇下玉臺作梁簡文和蕭子顯春別

蜘蛛作絲滿帳中芳草結葉當行路紅臉脉脉一生啼
黃鳥飛飛有時度故人雖故昔經新新人雖新復應故

王銖

內殿賦新詩

兔影脉脉照金鋪虬水滴滴瀉玉壺綺翼雕甍瀟清漢
虹梁紫一作柱麗黃圖風高暗綠凋殘柳雨駛芳紅濕

晚笑三五二八佳年少百萬千金買歌笑偏著故人織
素詩願奏秦聲采蓮調織女今夕渡銀河當見新秋停
玉梭

黃鳥飛姬人怨

天寒海水慣相知空牀明月不相宜庭中芳桂憔悴葉
井上踈桐零落枝寒燈作花羞夜短霜鴈多情恒結伴
非爲隴水望秦川直置思君腸自斷

西水姬人怨服散篇

燕來似幾千願春關山又早寒

薄命夫婿好神仙逆愁高飛向紫烟金丹欲成猶百鍊
玉酒新熟幾千年妾家邯鄲好輕薄特忿仙童一九藥
自悲行處綠苔生何悟啼多紅粉落莫輕小婦狎春風
羅襪也得步河宮雲車欲駕應相待羽衣未去幸須同
不學簫史還樓上會逐姮娥戲月中

文苑英華註曰江
搃姬人怨二詩本

集及藝文類聚共是一篇今題目既
有增減當以英華為正分為二首

詩紀卷之一百五

詩紀卷之一百六

陳九

顧野王

字希馮吳郡吳人也少以篤學至性知名梁大通初除太學博士歷臨賀宣城瑯邪三王官入陳歷撰史學士後主東宮管記光祿卿

羅敷行

東隅麗春日南陌采桑時樓中結梳罷提筐候早期風輕鶯韻緩露重落花逢五馬光長陌千騎絡青絲使君徒遣信賤妾畏蠶飢

芳樹

上林通建章雜樹遍林芳日影桃蹊色風吹梅逕香幽
山桂葉落馳道柳條長折榮疑路遠用表莫相忘

有所思

賤妾有所思良人久征戍笳鳴塞城表

一作笳鳴
胡塞表

花開

落芳樹白登澄月色黃龍起烟霧還聞雉子班非復長
征賦

隴頭水

隴底望秦川迢遞隔風烟蕭條落野樹幽咽響流泉瀚
海波難息交河水未堅寧知蓋山水逐節赴危絃

長安道

鳳樓臨廣路仙掌入烟霞章臺京兆馬逸陌富平車東
門踈廣錢北闕董賢家渭橋縱觀罷安能訪狹斜

陽春歌

春草正芳菲重樓啓曙扉銀鞍俠客至柘彈宛

一作
宛童

歸池前竹葉滿井上桃花飛薊門寒未歇為斷流黃機

豔歌行三首

夕臺行雨度朝梁照日輝東城採桑返南市數錢歸長
歌挑碧玉羅塵笑洛妃歆知歡未盡棲鳥已夜飛

齊倡趙女盡妖妍珠簾玉砌併神仙莫笑人來最落後
能使君恩得度前豈知洛渚羅塵步詎減天河秋夕渡
妖姿巧笑能傾城那思他人不憎妬蓮花藻井推芰荷
採菱妙曲勝陽阿

燕姬妍趙女麗出入王宮公主第倚鳴瑟歌未央調弦
八九弄度曲兩三章唯欣春日永詎愁秋夜長歌未央
倚鳴瑟輕風飄落葉乳燕巢蘭室結羅帷翫朝日窓開
翠幔卷妝罷金星出爭攀四照花競戲三條術

傅縡字宜事北地靈州人梁太清末携母南奔避亂
王琳引為記室琳亡陳文帝召為撰史學士後

萬年 主立累遷秘書監右衛將軍兼中書通事舍人性
本強負才使氣施文慶等譖之後主收不獄縶憤
憲於獄中上書極
諫後主怒賜死

採桑

羅敷試採桑出入城南傍綺裙映珠珥絲繩提玉筐度
身攀葉聚聳腕及枝長空勞使君問自有侍中郎

天馬引

驄色表連錢出冀復來燕取用偏開地為歌乃號天權
竒意欲遠躑躅勢難前本珍白玉鐙因飾黃金鞭願酬
芻秣寵千里得千年

雜曲

江摠徐陵同賦

新人新寵住蘭堂翠帳金屏玳瑁床玉臺作梁叢星不似珠

簾色度月還如一作同粉壁光從來著名推趙子復有丹

唇發皓齒一嬌一態本難逢如畫如花定相似樓臺宛

轉曲皆通絃管逶迤徹下風此殿笑語長相共一作恒長共

傍省歡娛不復同訝許人情太厚薄分恩賦念能斟酌

多作繡被為鴛鴦一作雙鴛長弄綺琴憎別鶴人今投寵要

須堅會使歲寒恒度前共取辰星作心抱無轉無移千

萬年

褚玠

字溫理河南陽翟人起家王府法曹為山陰令去官之日貧不堪自致皇太子賜粟米二百斛得還都令入直殿省累遷御史中丞

闔鷄東郊道

曹子建名都篇曰闔鷄東郊道走馬長楸間

春郊闔鷄侶捧敵兩逢迎一作詭群排袖出帶勇向場

驚錦毛侵距散芥羽雜塵生還同戰勝罷耿介寄前鳴

岑之敬

字思禮南陽人年十六對策擢高第累遷晉安王中記室陳太建初授東宮學士轉南臺侍御史征南府諮議參軍性謙謹士君子以篤行稱之

折楊柳

將軍始見知細柳繞營垂懸絲拂城轉飛絮上宮吹塞
門交度葉谷口暗橫枝曲成攀折處唯言怨別離

洛陽道

喧喧洛水濱鬱鬱小平津路傍桃李節陌上採桑春聚
車看衛玠連手望安仁復有能留客莫愁嬌態新

對酒

色映臨池竹香浮滿砌蘭舒文泛玉盃漾蟻溢金盤簫
曲隨鸞易笳聲出塞難唯有將軍酒川上可除寒

烏栖曲

驄馬直去沒浮雲河渡水開兩岸分鳥藏日暗行人息
空樓隻影長相憶明月二八照花新當壚十五晚留賓

當壚曲

詩話補遺

明月二八照花新當壚十五晚留賓回眸百萬橫自陳

徐伯陽

字隱忍東海人大同中為候官令甚得人和
陳天嘉中為侯安都記室參軍累遷鎮安新

安王府諮
議參軍

日出東南隅行

朱城璧日啓朱扉

玉臺云丹城
璧日映朱扉

青樓含照本暉暉遠映

陌上春桑葉斜入秦家細綺衣羅敷粧粉能佳麗鏡前

新梳倭墮髻圓籠裊裊挂青絲鐵鈎冉冉勝丹桂蠶飢
日晚斲生愁忽逢使君南陌頭五馬停珂遣借問雙臉
含嬌特好羞妾壻府中輕小吏即今來往專城裏欲識
東方千騎歸藹藹日暮紅塵起

遊鍾山開善寺

聊追鄴城友躡步出蘭宮法侶殊人世天花異俗中鳥
聲不測處松吟未覺風此時超愛網還復洗塵蒙

蔡凝

字子居濟陽考城人天嘉中尚主拜駙馬都尉
遷給事黃門侍郎後主嘗置會群臣將移燕私
範宮凝不奉詔後主怒之
遷晉熙王長史陳亡入隋

賦得處處春雲生

謝朓和劉西曹望海臺詩曰
往往孤山映處處春雲生

春色遍空明春雲處處生入風衣暫斂隨車蓋轉輕作
葉還依樹為樓欲近城含愁上對影似有別離情

蔡君知

凝之子
頗知名

君馬黃

君馬經西極臣馬出東方策舉浮雲影珂連明月光水
凍恒傷骨蹄寒為踐霜躊躇嗟伏櫪空想欲從良

阮卓

陳留尉氏人幼聰敏篤志經籍尤工五言性至
孝有廉節仕陳為新安王府記室累遷德教殿

學士聘隋還除南海王
府諮議參軍陳亡入隋

關山月

關山陵漢開霜月正徘徊映林如壁碎侵塞似輪摧楚
師隨晦盡胡兵逐暖來寒笳將夜鵲相亂晚聲哀

長安道

長安馳道上鐘鳴宮寺開殘雲銷鳳闕宿霧斂章臺騎
轉金吾度車鳴丞相來藹藹東都晚群公駟御回

詠魯仲連

魯連有高趣意氣本相求笑罷秦軍却書成燕將愁聊

棄南金賞方從滄海遊寄言人世客非君能見留

賦得風

高風應爽節搖落漸踈林吹雲旅鴈斷臨峯曉松吟屢

惜初學涼秋扇常飄清夜琴泠泠隨列子彌諧逸豫心

賦得蓮下游魚

春色映澄陂涵泳且相隨未上龍門路聊戲芙蓉池觸
浪蓮香動乘流葉影披相忘自有樂莊惠豈能知

賦得黃鸝一遠別

蘇武詩黃鸝一遠
別千里顧徘徊

霜風秋月映樓明，寒鶴偏栖中夜驚。月下徘徊顧別影，
風前悽斷送離聲。離聲一去斷還續，別響時來踈復促。
聊看遠客贈綾紋，彌怨閑宵雅琴曲。恒思昔日稻梁恩，
理翮整翰上君軒。獨舞輕飛向吳市，孤鳴清唳出雷門。
王子吹笙忽相值，自覺飄飄雲裏駛。一舉千里未能歸，
惟有田饒解深意。

陳昭

義興國山人慶之之子慶之在梁以軍功封永興侯卒昭嗣位

昭君詞

陰鏗集亦載此詩今從樂府作陳昭藝文又作陳明疑即昭也

跨鞍今永訣，垂淚別親賓。漢地隨行盡，胡關逐望新。父

河擁塞霧隴日，暗沙塵唯有孤。明月猶能遠送人。

聘齊經孟嘗君墓

薛城觀舊跡，征馬屢徘徊。盛德今何在，唯餘長夜臺。蒼
芒空壟路，顛顛古松栽。悲隨白楊起，淚想雍門來。泉戶
無關吏，鷄鳴誰為開。

陳暄

昭之弟學不師受而文才俊逸后主在東宮引為學士及即位遷通直散騎常侍與王叔達孔

範等入禁中陪宴號為狎客暄通脫以俳優自居為后主侮害悻死

洛陽道

洛陽九達

一作衢

上羅綺，四時春路傍。避駄馬車中，看玉

人鎮西歌豔曲臨淄逢麗神欲知雙壁價潘夏正連茵

長安道

長安開綉陌三條向綺門張敞車單馬韓嫣乘副軒寵
深來借殿功多競置園將軍夜夜返絃歌著曙暄

紫駟馬

天馬汗如紅鳴鞭度九巘飲傷城下凍嘶依北地風笳
寒芳樹歇笛怨柳枝空橫行意未已羞住轂車中

雨雪曲

都尉出祁連雨雪滿鷄田雕陵持抵鵲屬國用和羶米

合軍應渡樓寒烽未然花迷差未著踈勒復經年

祖孫登

仕陳為記室侯安都引以為客

紫駟馬

英華作蘇子卿

候騎指樓蘭長城迥路難嘶從風處斷骨住水中寒飛
塵暗金勒落淚灑銀鞍抽鞭上關路誰念客衣單

宮殿名登高臺詩

獨有相思意聊啟鳳凰臺蓮披香稍上月明光正來離

鵠

一作鶴

將雲散飛花似雪迴遙思竹林友前窓夜夜開

賦得司馬相如

雍容文雅深王吉共追尋當壚應酤酒託意且彈琴上
林能作賦長門得賜金唯當有漢主知懷封禪心

詠風

颯颯楚王宮徘徊繞竹叢帶葉俱吟樹將花共儻空飄
香雙袖裏亂曲五絃中試上高臺聽悲響定無窮

詠水

驪泉紫闕映

一作龍川
紫閣映

珠浦碧沙沉岸闊蓮香遠流清

雲影深風潭如拂鏡山溜似調琴請君看皎潔知有淡
然心

詠柳

馳道藏烏日鬱鬱正翻風抽翠爭連影飛綿亂上空高
葉臨胡塞長枝拂漢宮欲驗傷攀折三春橫笛中

賦得涉江採芙蓉

古詩涉江採芙蓉
蓉蘭澤多芳草

浮照滿川漲芙蓉承落光人來間花影衣渡得荷香桂
舟輕不定菱歌引更長採採嗟離別無暇緝為裳

蓮調

長川落照日深浦漾清風弱柳垂江翠新蓮夾岸紅船

行疑汎迥月映似沉空願逐琴高戲乘魚入浪中

詠城塹中荷

白水麗金扉青荷承日暉葉似環城蓋香亂上橋衣岸
高知水落影合見菱稀猶疑涉江處空望採蓮歸

劉剛

仕陳為長史侯安都為
侍中大將軍引以為客

泛宮亭湖

荊州記云宮亭湖廟神能
使湖中分風而帆南北

迴艫乘派水舉帆

去聲

逐分風滉漾疑無際飄颻似度空

檣烏排鳥路船影沒河宮孤石滄波裏匡山苦霧中寄

謝千金子安知萬里蓬

賦得蘇武

奉使窮沙漠收淚上河梁食雪天山近思歸海路長繫
書秋待鴈握節暮看羊因思李都尉還漢不相忘

郭璞遊名山詩採藥遊

郭璞遊名山詩採藥遊
名山將以救年類

名山本鬱盤道士貴黃冠獨馭千年鶴來尋五色九石
床新溜乳金竈欲成丹定知無二價非復在長安

侯司空宅詠妓

陰鏗
同賦

石家金谷妓粧罷出蘭閨看花只欲笑聞瑟不勝啼山
邊歌落日池上舞前溪將人當桃李何處不成蹊

賦松上輕蘿

葉繞千年蓋條依百尺枝屬與松風動時將薜影垂學
帶非難結為衣或易披山阿若近遠獨有楚人知

賦得馬

獨飲臨寒窟離群思北風陳王欲觀舞御史自隨驄邊
聲隕客淚果下益桃紅恒持沛艾影解向平陵東

賦得獨鶴凌雲去

藝文作劉那聲
偶作劉邦並誤

孤鳴思滄海矯翮避虞機怨別悽琴曲凌風散舞衣五
里雖迴顧千年會欲歸寄語雷門鼓無復一雙飛

詠青草

雨淋三春葉風傳十步香映袍怜色重臨書喜帶長

詠蟬

聲流上林苑影入守臣冠得飲玄天露何辭高柳寒

謝燮

陳書太建十二年吏部侍郎缺所司屢
譽謝燮等宣帝不用乃中召用蕭引

隴頭水

隴阪望咸陽征人慘思腸咽流喧斷岸遊沫聚飛梁鳥

分斂冰彩虹飲照旗光試聽鏡歌曲唯吟君馬黃

雨雪曲

朔邊昔離別寒風復淒切峩峩六尺冰飄飄千里雪未
塞袁安戶行封蘇武節應隨隴水流幾過空嗚咽

明月子

杪秋之遙夜明月照高樓登樓一迴望望見東一作南陌

頭故人眇千里言別歷九秋相思不相見望望空離憂

方諸曲

望仙室仰雲光繩河裏扇月傍井公能六著玉女善接

壺瓊醴和金液還將天地俱

早梅

迎春故早發獨自不疑寒畏落衆花後無人別意看

蕭詮

南史蕭詮仕陳為黃門郎

巫山高

巫山映巫峽高高殊未窮猿聲不辨處雨色詎分空懸
崖下桂月深澗響松風別有仙雲起時向楚王宮

賦得往往孤山映

青山照落暉映遠望連飛仙峯看玉笥關路視金微鼓

吹聲疑盡香爐烟覺稀共君臨水別勞此送將歸

詠銜泥雙燕

銜泥金屋外表瑞玉筐中學飛疑漢妾巢幕憚吳宮瓜
截還猶短窠成新尚空詎並零陵石飛舞逐春風

賦得夜猿啼

桂月影才通猿啼迥入風隔巖還嘯侶臨潭自響空挂
藤疑欹飲吟枝似避弓別有三聲淚露裳竟不窮

賦得婀娜當軒織

東南初日照秦樓西北織婦正嬌羞綺窓猶垂翡翠幌

珠簾半上珊瑚鈎新粧入機映春牖弄杼鳴梭挑織手
何曾織素讓新人不掩流蘇推中婦三日五匹未言遲
衫長腕弱繞輕絲綾中轉躡成離鴿錦上迴文作別詩
不惜繞素同霜雪更傷秋扇篋中辭

賀徹

仕陳為
左戶郎

採桑

蠶妾出房櫳結伴類花叢度水春衫綠映日晚妝紅釧
聲時動樹衣香自入風鈎長嫩枝曲葉盡細條空競採
須盈手爭歸欵滿籠自憐公府步誰與少年同

賦得長笛吐清氣

魏文帝善哉行悲絃
激清聲長笛吐清氣

胡關氛霧侵羌笛吐清音韻切山陽曲聲悲隴上吟柳
折城邊樹梅舒嶺外林方知出塞虜不憚武溪深

賦得為我彈鳴琴

薄暮高堂上調琴召美人伯喈聲未盡相如曲復新點
徽還轉弄亂爪更留賓聊持一絃響雜起艷歌塵

賀循

仕陳為
比部郎

賦得夾池脩竹

初學作
賀脩

綠竹影參差葳蕤帶曲池逢秋葉不落經寒色詎移來
風韻晚逕集鳳動春枝所欣高蹈客未待伶倫吹

賦得庭中有奇樹

古詩庭中有奇
樹綠葉發華滋

三春節物始芳菲遊絲細草動春暉香風飄舞花間度
好鳥和鳴枝上飛臨池間竹偏增綠依階映雪紛如玉
溫室庭前竟不言鼓吹樓中能作曲曾聞遠別舊難思
攀折會取贈佳期長條本自堪為帶密葉由來好作帷
星稀漢轉月輪明徘徊夜鵲屢相驚歎識幽人蘭社逕

山窓芳桂復叢生

李爽

仕陳為中記室

賦得芳樹

芳樹千株發搖蕩三陽時氣軟來風易枝繁度鳥遲春

至花如錦夏近葉成帷歆寄邊城客路遠詎能持

山家閨怨

山中多早梅荆扉遠曙開竹巾君自折荷衣誰為裁行

雲無處所人住在陽臺

蕭賁

字文真齊竟陵王子良之孫神識耿介幼好學有文才起家梁湘東王法曹參軍

長安道

前登灞陵道還瞻渭水流城形類北斗橋勢似牽牛飛

軒駕良駟寶劍雜輕裘經過狹斜里

一作日暮與且一作

淹留

何胥

後主時為太常令後主常與宮中文學士及朝臣相和為詩采其尤豔麗者命胥被之管絃以

為新曲

被使出關

詩彙作庚肩吾者非

出關登隴坂迴首望秦川絳水通西晉機橋指北燕奔

流下激石古木上參天鶯啼落春後鴈度在秋前平生

屢此別腸斷自催年

賦得待詔金馬門

漢家一統軌濟濟萬國朝飛纓拂曉霧輕輦逐晨颺槐

衢映綠紱日彩麗金貂此時參待詔誰復想漁樵

傷章公大將軍

章字上疑有闕文

百萬橫行罷三千白日新短簫應出塞長笛反驚隣槐

庭慘芳樹舞閣思陽春所悲金谷妓坐望玉關人

哭陳昭

思人適舊館寂寞非一源無復酣歌樂空餘鷺雀喧落

暉隱窮巷秋風生故園撫孤空對此零淚歎奚言

孔範

字法言會稽山陰人后主以為都官尚書與江

渥陳亡入隋隋文帝暴其過惡與王

賦得白雲抱幽石

白雲浮遠蓋飄飄繞石飛帶蓮縈錦色拂鏡下仙衣陣

結香爐隱羅成玉女微能感荆王夢陽臺雜雨歸

和陳主詠鏡

虎賁愁與日龍鏡覽顏時懷恩未得報空歎髮如絲

王瑳

與江摠孔範等並為狎客刻薄貪鄙忌害才能陳亡入隋被流遠裔

折楊柳

塞外無春色上林柳已黃枝影侵雲一作暗葉彩亂星

光陌頭藏戲鳥樓上掩新妝攀折思為贈心期別路長

洛陽道

洛陽夜漏盡九重平旦開日照蒼龍闕烟遶鳳凰臺浮

雲翻似蓋流水倒成雷曹王鬪鷄返潘仁載果來

長相思

長相思久離別兩心同憶不相徹悲風悽愁雲結柳葉

眉上銷菱花鏡中滅鴈封歸飛斷鯉素還流絕

潘徽

字伯彥吳郡人初仕陳為客館令陳滅入隋累遷京兆郡博士楊玄感兄弟重之玄感敗出為

威定縣生簿意甚不平發病卒

贈北使

徽雖入隋此詩蓋作于陳故次于此

業定三邊靜時和四海敷行人仍禮籍使者接輜軒賓

榮君享燕客踞我司存既羨齊嬰學欣逢鄭產言琴酒

時歡會篇章極討論迴旌逗隴左返軸指河源塞榆行

隱路津柳稍垂門日沈山氣合潮落水花翻離情欲寄

鳥別淚不因猿所可緘懷袖方以代蘭萱

韋鼎

杜陵人博涉經史明陰陽尤善相術仕梁累遷中書侍郎陳受禪拜黃門郎聘周還為太府卿

陳亡春隋授儀同除光黃門郎與鳳皇太子承乾
州刺史○詩彙作隋即劉顯式善詩遊出繁累

長安聽百舌 藝文曰陳聘使韋鼎在長安聽百舌

萬里風烟異一鳥忽相驚那能對遠客還作故鄉聲

報徐德言章林信歸故國式交岬昔既寒餘

破鏡詩 古今詩話曰陳太子舍人徐德言尚叔寶妹

樂昌公主陳政衰謂妻曰國破必入權豪家

儻情緣未斷尚冀相見乃破一照人分其半

約他日以正月望日賣於都市及陳亡其妻

果為楊越公得之德言流離辛苦僅能至京

遂以正月望日訪於都市有蒼頭賣半照者

大高其價人皆笑之德言直引至其居出半

照以合之仍題詩云云公主得詩悲泣不食

素因詰之公主以實對於是召德

言至還其妻後歸江南終老云

鏡一作照與人俱去鏡歸人未歸無復姮娥影望留明

月輝

樂昌公主

錢別自解

今日何遷次新官對舊官笑啼俱不敢方信作人難

今日前聖大德官性善官矣朝野下流亦計非人職

發限自難

秦州知州李東督刊

樂昌公主

歙縣王寅虎文校正

氏戰

詩紀

詩紀卷之一百六

詩紀卷之一百七

陳十

張君祖

按張君祖庾僧淵諸詩皆恬澹雅逸有晉風歷選陳世無此作也考高僧傳有康僧淵竺

法雅

者並在晉成帝時疑即此人與廣弘明集云陳張君祖既不能明姑列于此○以下爵里無考

詠懷三首

運形不標異澄懷恬無歆座可栖王侯門可迴金轂風

來詠逾清鱗萃淵不濁斯乃玄中子所以矯逸足何必

翫幽閑青衿表離俗百齡苟未遐昨辰亦非促曦騰望

舒映曩今迭相燭一世皆逆旅安悼電往速區區雖非

黨兼忘混礫玉恪神罔叢穢要在夷心曲

靈飈起回浪飛雲騰逆鱗苟擢南陽秀固集三造賓緬

懷結寂夜味藻詠終晨延佇時無遣誰與拂流塵耿情

寄極眇蕭條獨遨神相忘東溟裏何睎西潮津我崇道

無廢長謚想義人

遙遊播荆衡杖策憇南郢遭動透浪迹遇靖恬夷性拊

卷從老語揮綸與莊詠遐眺獨緬想蕭神飈塵正時無

喜惠偶絕韻將誰聽習君一作子茂芳標有欣徽音令頴

敷陵霜倩葩熙三春盛拂翮期霄翔豈與桑榆競我混

不材姿遺情忘雕映雖非嶧陽椅聊以翮泗磬

神翰贈沙門竺法頽三首

沙門竺法頽遠還西山作詩以贈因亦嘲之省其二

美經聊為之讚頽於倫切

鬱鬱華陽岳絕雲抗飛峯峭壁溜靈泉秀嶺森青松懸

巖廓崢嶸幽谷正寥籠丹崖竒逸碧室禪六通泊寂

清神氣綿眇矯妙蹤止觀著無無還淨滯空空外物豈

大悲獨徃非玄同不見舍利弗一作受屈維摩公

至人如影響靈慧陶億剎應方恢權化兆類蒙慈悅冥

冥積塵昧永在巖底閉廢聰無通照遺形不洞滅明哉
如來降谿矣啓潛穴幽精淪朽壤孰若阿維察遙謝晞
玄疇何為自矜潔

邈邈慶成標峨峨浮雲嶺峻蓋十二嶽獨秀閭浮境丹
流環方基瑤堂臨峭頂澗滋甘泉液崖蔚芳芝穎翹翹
美化倫眇眇陵巖正肅拱望妙覺呼吸晞齡永苟能夷
冲心所憇靡不淨萬物可逍遙何必栖形影勉尋大業
軌練神超勇猛

道樹經讚

峨峨王舍國鬱鬱靈竹園中有神化長空觀體善權私
呵晞光景豈識真迹端恢恢道明玄解發至神權飄忽
凌虛起無云受慧難

三昧經讚

迹超十二燒戒由三昧成賢行極妙住道志慧以明九
本既殊動四禪不同冥淵哉不起滅始自無從生借闕
道氣倫安測泥洹靈

荅庾僧淵

茫茫混成始豁矣四天朗三辰還須彌百億同一像靈

和陶氤氳會之有妙常

一作長

大慈濟群生冥感如影響

蔚蔚沙彌衆粲粲萬心仰誰不欣大乘兆定於玄曩三法雖成林居士亦有黨不見虬與龍洒鱗凌霄上冲心超遠寄浪懷邈獨往衆妙常所睎維摩余所賞苟未體善權與子同髯髻悠悠誠滿域所遺在廢想

庚僧淵

代荅張君祖

省贈法頽詩經通妙遠疊疊清綺雖云言不盡意殆知亦幾矣夫詩者志之所之意迹之所寄也忘妙玄解神無不暢夫未能冥達玄通者惡得不有仰鑽之詠哉吾想茂得之形容雖栖守殊塗標寄玄同仰代荅之未足盡美亦各言其志也其辭曰

真朴運既判萬象森已形精靈感冥會變化靡不經波浪生死徒彌綸始無名捨本而逐末悔吝生有情胡不絕可欲反宗歸無生達觀均有無蟬蛻豁明明道遙衆妙津栖凝於玄冥大慈順變通化育曷常停幽閑自有所豈與菩薩并摩詰風微指權道多所成悠悠滿天下孰識秋露情

又答

遙望華陽嶺紫霄籠三辰瓊巖朗璧室玉潤洒靈津丹
谷捷樛樹季穎奮暉新融飈衝天籟逸響互相因鸞鳳
翔迴儀虬龍洒飛鱗中有冲漠士耽道玩妙均高尚凝
玄寂萬物息自賓栖峙遊方外超世絕風塵翹想睇眇
蹤矯步尋若人咏嘯舍之去榮麗何足珍濯志八解淵
遼朗豁冥神研幾通微妙遺覺忽忘身居士成有黨顧
盼非疇親借問守常徒何以知反真

何處士

廣弘明集云陳
從事何處士

春日從將軍遊山寺

蘭庭厭俗賞柰苑矚年華始入香山路仍逢火宅車慈
門數片葉道樹一林花雖悟危藤鼠終悲在篋蛇

別才法師於湘還郢北

乘杯事將遠捧袂忽無聊南楚長沙狹西浮郢路遙離
庭花已散別戍馬新驕明日分千里相思非一條

敬酬解法師所贈

道林俗之表慧遠廬之阿買山即高世乘杯且渡河法
雨時時落香雲片片多若為將羽化來濟在塵羅

通士人篇

龍宮既入道鳳闕且辭榮禪龕八想淨義窟四塵輕香
蓋法雲起花燈慧火明自然忘有著非止悟無生

蘇子卿

朱鷺

玉山一朱鷺萬里

一作容與

入王畿欲向天池飲還遶上林

飛金堤曬羽翻丹水浴毛衣非貪葭下食懷思自遠歸

艾如張

誰在開門外羅家諸少年張機蓬艾側結網槿籬邊若

能飛自勉豈為繒所纏黃雀儻為誠朱絲猶可延

梅花落

中庭一樹梅寒多葉未開祇言花是雪不悟有香來上
郡春恒晚高樓年易催織書偏有意教逐錦文回

紫騮馬

藝文樂府並作祖孫登

候騎指樓蘭長城迥路難嘶從風處斷骨住水中寒飛
塵暗金勒落淚灑銀鞍抽鞭上關路誰念客衣單

南征

一朝遊桂水萬里別長安故鄉夢中近邊愁酒上寬劍

鋒但須利戎衣不畏單南中地氣暖少婦莫愁寒

陽縉

賦得荆軻

樂府作荆軻歌

函關使不通燕將重深功長虹貫白日易水急寒風壯
髮危冠下七首地圖中琴聲不可識遺恨沒秦宮

照帙秋螢

秋窓餘照盡入暗早螢來忽聚還同色恒然詎落仄飛
影黃金散依帷縹帙開含明終律祖作自不息夜月空徘徊

俠客控絕影

都出

陸士衡擬古詩曰俠客控絕景都人驂玉軒

青門小苑物華新花開鳥弄會芳春仙掌層臺浮麗日

長楸廣路起紅塵園中追尋桃李徑陌上逢迎遊俠人

遊俠英名馳上國人馬意氣俱相得白玉鹿盧秋水劍

青絲宛轉黃金勒復有魚目並龍文躡影追風本絕群

影入吳門疑曳練形來西北似浮雲寄語幽并馳射客

未肯推門

一作持借君

陽慎

從駕祀麓山廟

聖德憂民暇麾旆謁山靈畫航汎北渚文馬侍東平春
浦戈鋌照寒林鏡吹鳴依稀長安驛蕭條都尉城井泉
能共動江帆得分行窓幽細網合堦靜落花明欄巢始
入燕軒樹已遷鶯菲菲蘭俎馥淡淡桂樽清銀塘

藝文
作堂

日影盡玉坐舞衣輕

賀方牧

關山月

重關歛暮烟明月下秋前照石疑分鏡臨弓似引弦霧
暗迷旗影霜濃濕劍蓮此處離鄉客遙心萬里懸

亂後別蘇州人

徘徊睇閭闔悵望極姑蘇慨矣嗟荒運悲哉惜霸圖子
常終覆郢宰詔遂亡吳石隕星方暗山崩川自枯周京
摧棧撲漢社落粉榆宮毀無巢鷺城空餘樂鳥茲邦號
端委多士自相趨照廡同燕石光車等魏珠言離已惆
悵念別更踟躕若訪任公子求余東海隅

伏知道

從軍五更轉五首

一更刁斗鳴校尉連連城遙聞射鵬騎懸憚將軍名

二更愁未央高城寒夜長試將弓學月聊持劍比霜
三更夜警新橫吹獨吟春彊聽梅花落誤憶柳園人
四更星漢低落月與雲齊依稀北風裏胡笳雜馬嘶
五更催送籌曉色映山頭城烏初起堞更人悄下樓

詠人娉妾仍逐琴心

春色轉相催佳人心自迴長卿琴已弄秦嘉書未來挂
冠易分綬薦枕缺因媒染香風即度登垣花正開貞樓
若高下如何上陽臺

賦得招隱

招隱訪仙楹丘中琴正鳴桂叢侵石路桃花隔世情薄
暮安車近林喧山鳥驚

毛處約

稚子班

春物始芳菲春雉正相追澗響連朝雒花光帶錦衣窠
跡時移影驚媒或亂飛能使如臯路相逢巧笑歸

陸系

有所思

別念限城闈還思樓上人淚想離前落愁聞別後新月

來疑舞扇花度憶歌塵只看今夜裏那似隔河津

獨孤嗣宗

紫騮馬

倡樓望早春寶馬度城闌照曜桃花逕蹀躞採桑津金
羈麗初景玉勒染輕塵遠聽珂驚急猶知一作是畫眉人

李燮

紫騮馬

紫鷲忽踟躕紅塵起路隅圍人移首蒼騎士逐靡蕪三
邊追黠虜一鼓定疆胡安用珂為玉自有汗成珠

江暉

劉生

五陵多美選六郡盡良家劉生代豪蕩標舉獨榮華寶
劍長三尺金樽滿百花唯當重意氣何處有驕奢

雨雪曲

英華作王筠今
從樂府作江暉

邊城風雪至遊子自心悲風哀笳弄斷雪暗馬行遲輕
生本為國重氣不關私恐君猶不信撫劍一揚眉

何揖

班婕妤怨

齊紈既逐篋趙舞即凌人履跡隨恩故階苔逐恨新獨
臥銷香炷長啼費錦巾庭草何聊賴也持秋當春

長相思久離別新鷺參差條可結壺關遠鴈書絕對雲
恒憶陣看花復愁雪猶有望歸心流黃未剪截合

芳枉觴春酒髣髴傷山時徒歌不成樂空以羈自悲羈
羈謹

悲懷土心遽復還山路追及春復時無使春光暮
蕭有

射雉

二月春暈動曹王挾妬媒挿翳依花合芟塲向野開隔
田聞雉近橫溪見影來弦明青壓碎箭落錦衣摧今日
如臯路能將巧笑迴

徐湛 玉臺作 徐堪

賦得班去趙姬升

鮑明遠白頭吟曰申黜
褒文進班去趙姬升

班姬與飛燕俱侍漢王宮不意恩情歇偏將衰草同香
飛金輦外苔上玉階中今日悲團扇非是為秋風

吳尚野

賦
詠隣女樓上彈琴

青樓誰家女開窓弄碧弦貌同朝日麗裝競午花燃一
彈哀塞鴈再撫哭春鶻此情人不會東風千里傳

吳思玄

蕭
閨怨

金風響洞房佳人心自傷淚隨明月下愁逐漏聲長燈

前羞獨鵲枕上怨孤凰自覺鴛帷冷誰憐珠被涼

殷謀

日出東南隅行

秦樓出佳麗正值朝日光陌頭能駐馬花處復添香

賈馮吉

自君之出矣

自君之出矣紅顏轉憔悴思君如明燭煎心且銜淚

何曼才

為徐陵傷妾

遲遲衫掩淚憫憫恨縈胸無復專房日猶望下山逢

許倪

破扇

蔽日無全影搖玉臺作迎風有半涼不堪鄣巧笑猶足動衣

香

蕭麟一作

詠袖複

疑即相服女人脇衣也
○丹鉛餘錄作詠複裙

的一作晶晶金紗淨離離寶撮一作分纖腰非學楚寬帶

為思君

蕭琳

隔壁聽妓

徒聞絃管切不見舞腰迴唯有歌梁共塵飛一半來

陳叔達

詠空鏡臺

即今妝飾廢凋零衢路間嫦娥與明月相共落關山

釋惠標

涉獵有才思陳寶
應反以預謀坐誅

詠山三首

靈山蘊麗名秀出寫蓬瀛香爐帶煙上紫蓋入霞生霧

捲蓮峯出崑開石鏡明定知丘壑裏併佇白雲情
峨眉信重險天日本仙居金華抱丹竈玉笥蘊神書幽
人披薜荔怨妾採薜蘿紫巖無暮雨何時送故夫
丹霞拂層閣碧水泛蓬萊鰲岫含烟聳蓮崖照日開松
門夾細葉石磴染新苔能令平子見淹留未肯回

刺水

曾添踈勒井經漏貳師營玉津花色亮銀溪錦磧明舟
如空裏汎人似鏡中行持將符上善利得動高情

詠孤石

中原一孤石地理不知年根含彭澤浪頂入香爐煙崖
成二鳥翼峯作一芙蓉何時發東武今來鎮蠡川

贈陳寶應

梁書曰寶應據閩中與留異潛有異謀遂起兵反沙門慧標作五言詩以送之寶應甚悅

慧標賁以示虞寄寄謂所親曰標公既以此始必以此終後寶應敗標從坐伏誅

送馬猶臨水離旗稍引風好看今夜月當照紫微宮

遊故苑

金陵人以戒律處世住持為要陳宣帝勅瑗通誨國僧以為僧正

明從祀臂郊垌同遊
故苑瑗題樹為詩曰

丹陽松葉必白水黍苗多浸淫下客淚哀怨動民歌春

溪度短葛秋浦沒長莎麋鹿自騰倚車騎絕經過蕭條

四野望惆悵將如何

釋洪偃

俗姓謝氏會稽山陰人風神秀穎弱齡悟道
梁太宗在東朝愛其雋秀欲令還俗引為

士偃執志不從會講重雲抗言高論甚為武帝所
優禮梁亂避地于縉雲陳武革命乃復出都天嘉

五年卒偃始離俗迄於遷化惟學是務每緣
情觸興輒叙其致而文彩灑落罕有嗣者

遊故苑

禪藻集誤
作何偃

龍田留故苑汾水結餘波悵望傷遊目辛酸思緒多涼

飈慘高樹濃露變輕蘿澤葵猶帶井池竹尚

一作侵荷

秋風徒自急無復白雲歌

登吳昇平亭

一作遊若耶
雲門精舍

蕭蕭物候晚肅肅天望清旅人聊策杖登高蕩客情川

原多舊迹墟里或新名宿烟浮始旦朝日照初晴獨遊

乏徒侶徐步寡逢迎信矣非吾託賞心何易并

遊鍾山之開善定林息心宴坐引筆賦詩

杖策步前嶺褰裳出外扉輕蘿轉蒙密幽逕復紆威樹

高枝影細山盡鳥聲稀石苔時滑屣蟲網乍粘衣澗旁

紫芝曄岩上白雲霏松子排烟去堂生寂不歸窮谷無
還往攀桂獨依依

釋智愷

俗姓曹氏住揚都寺與法泰同往嶺表素積道風辭力殷贍卒於陳光大二年

臨終詩

禪藻集作法泰詩題云遺疾並誤

千月一作秋本難滿三時理易傾石火無恒燄電光非久

明遺文空滿筭徒然昧後生泉路方幽噎寒隴向淒清
一隨朝露盡唯有夜松聲

高麗定法師

詠孤石

迥石直生空平湖四望通巖根恒灑浪樹杪鎮搖風偃
流還漬影侵霞更上紅獨拔群峯外孤秀白雲中

陳少女

寄夫

自君上河梁蓬首臥蘭房安得一樽酒慰妾九迴腸

郊廟歌辭

無名氏

陳太廟舞辭七首

隋書樂志曰陳初武帝詔求宋齊故事太常卿周弘讓奏曰齊氏承宋成用元徽舊式宗祀朝饗奏樂俱同唯北郊之禮頗有增益皇帝入壇門奏永至飲福酒奏嘉胙太尉亞獻奏凱容埋

牲奏肆幽帝還便殿奏休成衆官並出奏肅成
此乃元徽所闕永明六年之所加也唯送神之
樂宋孝建二年秋起居注云奏肆夏永明中改
奏昭夏帝遂依之是時並用梁樂唯改七室舞
辭

凱容舞

皇祖步兵
府君室

於赫皇祖宮墻高嶷邁彼厥初成茲峻極縵樂簡簡闕
寢翼翼裸饗若存惟靈靡測

凱容舞

正員府
君室

昭哉上德浚彼洪源道光前訓慶流後昆神猷綿邈清
廟斯存以享以祀惟祖惟尊

凱容舞

懷安府
君室

選辰崇饗飾禮嚴敬靡愛牲牢兼馨粢盛明明烈祖龍
光遠映肇我王風形斯舞詠

凱容舞

皇高祖成
安府君室

道遙積慶德遠昌基永言祖武致享從思九章停列八
舞迴墀霽其降止百福來綏

凱容舞

皇曾祖太
常府君室

肇迹締基義標鴻篆恭惟載德瓊源方闡享薦三清筵
陳四璉增我堂構式敷帝典

景德凱容舞 皇祖景皇帝室

皇祖執德長發其祥顯仁藏用懷道韜光寧斯閔寢合此蕭蕙永昭貽厥還符翦商

武德舞 皇考高祖武皇帝室

烝哉聖祖撫運升離道周經緯功格玄祇方軒邁扈此舜陵媯緝熙是詠欽明在斯雲雷遘屯圖南共舉大定揚越震威衡楚四奧宅心九疇還叙景星出翼非雲入呂德暢容辭慶昭羽綴於穆清廟載揚徽烈嘉玉既陳豐盛斯潔是將是享鴻猷無絕

雜歌謠辭

無名氏

齊雲觀歌

隋書五行志曰陳后主造齊雲觀國人歌之功畢而為隋師所虜

齊雲觀寇來無際畔

江東謠

隋書五行志曰陳初有童謠其後陳主果為韓擒所敗擒本名擒虎黃斑之謂也破建康之始復乘青驄馬往反時節皆應

黃斑青驄馬發自壽陽浹來時夕氣未去日春風始

陳初童謠

御路種竹篠蕭蕭已復起合盤貯蓬塊無復揚塵已

黃通書又

日西夜烏飛拔劍倚梁柱歸去來歸山下

張種歌

陳書曰張種少恬靜居處雅正不妄交遊傍無造請時人為之語曰

宋稱敷演梁則卷克清處學尚種有其風

二賀歌

唐書曰賀臨仁越州山陰人在陳與兄德基師事周弘正以文辭稱人為語曰

學行可師賀德基文質彬彬賀德仁詩紀一百七

